

Član 9.

(Visina stipendije)

- (1) Stipendije se dodjeljuju za jednu kalendarsku godinu i isplaćuju se za jedanaest (11) mjeseci.
- (2) Visina stipendije na mjesečnom nivou iznosi 100,00 KM, odnosno 1.100,00 KM na godišnjem nivou po kandidatu.
- (3) Za takmičare iz jedne sportske discipline može biti dodijeljeno najviše 10% sredstava namijenjenih za sportske stipendije.
- (4) Ako se iz određenih razloga ne prijavi dovoljan broj kandidata koji ispunjavaju uslove u okviru jedne vrste sporta, nadležna Služba zadržava pravo da uz saglasnost Načelnika navedena sredstva preusmjeri na ostale kandidate kako bi se planirana sredstva iskoristila.

**IV. PRAVA I OBAVEZE KORISNIKA I DAVAOKA
STIPENDIJE**

Član 10.

(Obaveza sklapanja ugovora)

- (1) Sa izabranim kandidatom zaključuje se ugovor o dodjeli sportske stipendije kojim se regulišu međusobna prava i obaveze korisnika stipendije i Općine Centar Sarajevo.
- (2) Ugovor potpisuje Općinski načelnik u ime Općine Centar Sarajevo i roditelj/staratelj korisnika stipendije.

Član 11.

(Gubitak prava na stipendiju)

- (1) Sportista gubi pravo na stipendiju ukoliko:
 - a) napusti redovno školovanje;
 - b) se utvrdi da prima stipendiju po istom osnovu;
 - c) promijeni mjesto prebivališta;
 - d) prestane aktivno učestvovati u trenaznim i takmičarskim procesima.
- (2) Korisnik stipendije dužan je obavijestiti Službu u roku od 8 dana od dana nastanka promjena predviđenih u stavu (1) ovog člana, u suprotnom će biti u obavezi izvršiti povrat iznosa dodijeljenog po osnovu ovog Pravilnika, a najkasnije do kraja tekuće godine u kojoj je primio stipendiju.

V. PRELAZNE I ZAVRŠNE ODREDBE

Član 12.

(Prestanak važenja)

Stupanjem na snagu ovog Pravilnika prestaje da važi Pravilnik o stipendiranju nadarenih sportista/sportistkinja - učenika osnovnog obrazovanja sa područja Općine Centar Sarajevo ("Službene novine Kantona Sarajevo", broj 40/24).

Član 13.

(Stupanje na snagu)

Ovaj Pravilnik stupa na snagu danom objavljivanja na Oglasnoj ploči Općine Centar Sarajevo, tim da će se naknadno objaviti u "Službenim novinama Kantona Sarajevo".

Broj 01-34-32/25
30. januara 2025. godine
Sarajevo

Predsjedavajući
Općinskog vijeća
Benjamin Isović, s. r.

Ovaj Pravilnik je objavljen na Oglasnoj ploči Općine Centar, dana 06.02.2025. godine.

OPĆINA ILIDŽA**Općinsko vijeće**

Na osnovu člana 25. stav (8) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te članova 19. i 28. Statuta Općine Ilidža Sarajevo ("Službene novine Kantona Sarajevo", broj 33/10 - Prečišćeni tekst, 18/16), Općinsko vijeće Općine Ilidža Sarajevo, na 4. redovnoj sjednici održanoj dana 30.01.2025. godine, donijelo je

ODLUKU**O USVAJANJU IZMJENA I DOPUNA REGULACIONOG
PLANA "BANJSKO-REKREATIVNOG KOMPLEKSA
ILIDŽA"**

**- Izgradnja naučno-istraživačkog instituta SSST
- /Skraćeni postupak/**

Član 1.

Ovom Odlukom se usvajaju Izmjene i dopune Regulacionog plana "Banjsko-rekreativnog kompleksa Ilidža" - izgradnja Naučno-istraživačkog instituta SSST, po skraćenom postupku (u daljnjem tekstu: Plan).

Član 2.

Plan se sastoji od tekstualnog i grafičkog dijela.

a) Tekstualni dio sadrži:

- 1) Odluku o provođenju Izmjene i dopune Regulacionog plana "Banjsko-rekreativnog kompleksa Ilidža",
- 2) tekstualno obrazloženje Plana.

b) Grafički dio sadrži:

- karta 1. - Izvod iz Regulacionog plana "Banjsko-rekreativnog kompleksa Ilidža",
- karta 2. - Ažurna geodetska podloga
- karta 3. - Postojeće stanje
- karta 4. - Inženjersko - geološka karta
- karta 5. - Urbanističko rješenje
- karta 6. - Namjena površina
- karta 7. - Mreža građevinskih i regulacionih linija
- karta 8. - Analitička obrada građevinskih parcela
- karta 9. - Idejno rješenje saobraćaja
- karta 10. - Idejno rješenje hortikulture
- karta 11. - Idejno rješenje hidrotehnike
- karta 12. - Idejno rješenje energetike
- karta 13. - Idejno rješenje elektroenergetike
- karta 14. - Idejno rješenje telekomunikacija

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Ilidža i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-603/25-1a
30. januara 2025. godine
Ilidža

Predsjedavajući
Tarik Stambolić, s. r.

Na osnovu člana 25. stav (8) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te članova 19. i 28. Statuta Općine Ilidža Sarajevo ("Službene novine Kantona

Sarajevo", broj 33/10 - Prečišćeni tekst, 18/16), Općinsko vijeće Općine Ilidža Sarajevo, na 4. redovnoj sjednici održanoj dana 30.01.2025. godine, donijelo je

ODLUKU
O PROVOĐENJU IZMJENA I DOPUNA
REGULACIONOG PLANA "BANJSKO-
REKREATIVNOG KOMPLEKSA ILIDŽA"
- Izgradnja Naučno-istraživačkog instituta SSST -
/Skraćeni postupak/

Član 1.

Ovom Odlukom utvrđuju se uslovi korištenja, izgradnje, uređenja i zaštite prostora i način provođenja Izmjena i dopuna Regulacionog plana "Banjsko-rekreativnog kompleksa Ilidža" (u daljnjem tekstu Izmjene i dopune Plana), izgradnja Naučno-istraživačkog instituta SSST, zatim granice Izmjena i dopuna Plana, urbanističko-tehnički uslovi za izgradnju građevina i uređenje zelenih i slobodnih površina.

Član 2.

- (1) Granica obuhvata polazi od tačke br. 1 koja se nalazi na parceli k.č. 2093, a ima koordinate $y=6525124$, $x=4853321$, zatim produžava na sjever, te istok idući preko parcela k.č. 2093, 1447/1, 1448/1, 1450/2, 1449/1, 1450/1, 2107/4 (koordinate prelomnih tačaka: br.2 $y=6525138$, $x=4853402$; br. 3 $y=6525148$, $x=4853431$; br. 4 $y=6525164$, $x=4853429$) i dolazi u tačku br. 5 koja ima koordinate $y=6525272$, $x=4853429$, a nalazi se na parceli k.č. 2107/4. Granica obuhvata nastavlja na jug, te zapad idući preko parcela k.č. 2107/4, 1450/1, 1450/4 (koordinate prelomnih tačaka: br. 6 $y=6525273$, $x=4853396$; br. 7 $y=6525277$, $x=4853368$) i dolazi do tačke br. 8 koja se nalazi na medi između parcela k.č. 1450/4 i 1450/8, a ima koordinate $y=6525204$, $x=4853366$, potom nastavlja u istom pravcu idući međama parcela k.č. 1450/8, 1448/4, 1447/5 (obuhvata ih) te izlazi put k.č. 2093 i dolazi do mjesta odakle je opis granice i počeo.
- (2) Sve gore navedene parcele se nalaze u K.O. Ilidža, Općina Ilidža.
- (3) Površina obuhvata iznosi $P=1,0$ ha.

Član 3.

Izgradnja na ovom području vršit će se na osnovu ovih Izmjena i dopuna Plana.

Član 4.

U sklopu obuhvata Izmjena i dopuna Plana preuzeta je već definisana namjena iz važećeg Regulacionog plana "Banjsko-rekreativnog kompleksa Ilidža" - društvena infrastruktura (obrazovanje, kultura, banjsko-lječilišni turizam, rekreacija).

Član 5.

- (1) Urbanističko-tehnički uslovi za izgradnju Naučno-istraživačkog instituta SSST:
 - a) Regulaciona i građevinske linije utvrđene su Izmjenom i dopunom Plana;
 - b) Maksimalni gabariti planiranih objekata definisani su na grafičkom prilogu broj 05: Urbanističko rješenje i ne mogu ni jednim svojim dijelom izaći izvan utvrđene građevinske linije;
 - c) Građevinska linija podrumске etaže može biti veća od građevinske linije podruma definisane na grafičkom prilogu, ali samo na dijelu koji je cijelom površinom ukopan u odnosu na uređeni teren.

Udaljenost građevinske linije podruma u odnosu na susjednu parcelu je minimalno 3.0 m, ukoliko se ne remeti osnovna funkcija komunalne infrastrukture i ne zahtjeva izmještanje njihovih vodova, te ne ugrožava objekte na susjednim parcelama;

- d) Nazivi etaža u Izmjeni Plana su: podrum ("Po"), visoko prizemlje ("VP"), spratovi ("1", "2",...);
- e) Formirati visoko prizemlje čija će nula biti viša za 1,5 m u odnosu na najvišu apsolutnu kotu terena, dio podrumске etaže koja je veća od tlocrtnе površine objekta tretirati kao pristupni plato (pješački trg, zelenilo, urbani mobilijar);
- f) Konstruktivna visina spratnih etaža maksimalno 420 cm (konstruktivna visina etaže se mjeri od gornje kote međuspratne konstrukcije jedne, do gornje kote međuspratne konstrukcije sljedeće etaže);
- g) Centralni dio objekta spratne visine $Po+VP+3$, može prelaziti maksimalnu visinu od 20 m koja je definisana važećim Planom, ali samo obodno pri oblikovanju krovnih volumena;
- h) Prilikom oblikovanja prostornih volumena i ploha, izbor materijala i boja koristiti sa suvremenim arhitektonskim izričajem;
- i) Nivelacione kote prizemlja planiranih objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Izmjeni Plana;
- j) Parkiranje/garažiranje za novoplanirane objekte obezbijediti unutar gabarita objekata, a sve u skladu sa važećim normativima:
 - za poslovne sadržaje 1 parking mjesto na svakih 60 m² poslovnog prostora;
- k) Priključke na saobraćajnice i mrežu komunalne infrastrukture treba u svakom konkretnom slučaju projektovati u skladu sa Izmjenom i dopunom Plana (važećim tehničkim normativima) na osnovu faza komunalne infrastrukture.

Član 6.

- (1) Minimalno učešće prirodnog terena hortikulturno uređenog u okviru građevinske parcele treba da čini minimalno 30 %;
- (2) Prilikom projektovanja zelenih površina sve postojeće, vrijedne i kvalitetne grupacije i jedinke (posebno stablašice) sačuvati i ugraditi u buduće rješenje;
- (3) Osnovni gradivni element zelenih površina je visoka vegetacija;
- (4) Prilikom izgradnje saobraćajnica i objekata, treba skidati sloj plodnog zemljišta i koristiti ga kod formiranja zelenih površina u obuhvatu Plana, ali i šire;
- (5) Aktivnosti na realizaciji i uređenju zelenih površina bazirati na adekvatnoj tehničkoj dokumentaciji, urađenoj od strane stručnog i odgovornog lica i /ili registrovane firme za projektovanje zelenih površina;
- (6) Obezbijediti nadzor prilikom izvođenja svih hortikulturnih radova i tehnički prijemizvedenih radova na uređenju zelenih površina;
- (7) Površine parkinga i podzemnih etaža na kojima se sadi trava ne smatraju se zelenom površinom;
- (8) Formirati zeleni koridor minimalne širine 20 m sa šetnicom i linijskim zelenilom uz rijeku Željeznicu;

- (9) Uz saobraćajnice formirati linijske sisteme od stablašica markantnih morfoloških karakteristika, koje odgovaraju datim stanišnim uslovima, a na površinama saobraćaja u mirovanju treba predvidjeti sadnju stablašica.

Član 7.

- (1) Sistem upravljanja otpadom u obuhvatu Plana mora funkcionisati u skladu sa odredbama Zakona o komunalnoj čistoći ("Službene novine Kantona Sarajevo", br. 14/16, 34/16, 19/17, 20/18, 22/19), kao i drugih zakonskih i podzakonskih akata iz predmetne oblasti.
- (2) Na grafičkom prilogu Plana br. 5 dat je prijedlog lokacije za selektivno prikupljanje otpada, a eventualnu izmjenu iste, kao i vrste/broja/zapremine posuda za prikupljanje, odrediti u dogovoru sa nadležnom općinskom službom i Kantonalnim javnim komunalnim preduzećem "Rad".

- (3) Lokaciju za prikupljanje otpada riješiti u okviru planirane parcele za izgradnju objekta, te istu adekvatno obraditi i prikazati u projektnoj dokumentaciji za izgradnju objekata (idejnom i izvedbenom projektu).

Član 8.


Za sve što nije regulisano ovom Odlukom, primjenjivat će se odredbe Odluke o provođenju Regulacionog plana "Banjsko-rekreativnog kompleksa Ilidža" ("Službene novine R BiH" broj 9/91 i "Službene novine Kantona Sarajevo" broj 28/07).

Član 9.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-603/25-1b
30. januara 2025. godine
Ilidža

Predsjedavajući
Tarik Stambolić, s. r.



IZMJENE I DOPUNE REGULACIONOG PLANA "BANJSKO-REKREATIVNOG KOMPLEKSA ILIDŽA"

Izgradnja Naučno-istraživačkog instituta SSST

IZVOD IZ REGULACIONOG PLANA
"BANJSKO-REKREATIVNOG KOMPLEKSA ILIDŽA", M 1:1000
("Službene novine R BiH" broj 9/91 i "Službene novine Kantona Sarajevo" broj 28/07)

URBANISTIČKO-ARHITEKTONSKO RJEŠENJE

LEGENDA :

- GRANICA OBUHVATA REGULACIONOG PLANA
("Službene novine R BiH" broj 9/91 i "Službene novine Kantona Sarajevo" broj 28/07)
- GRANICA OBUHVATA IZMJENE I DOPUNE REGULACIONOG PLANA
("Službene novine Kantona Sarajevo" broj 43/23)
Izgradnja Naučno-istraživačkog instituta SSST
- REGULACIONA LINIJA
- GRAĐEVINSKA LINIJA OBJEKTA
- GRAĐEVINSKA LINIJA PODZEMNE GARAJE
- LINIJSKO ZELENILO
- POVRŠINE U GRANICI GRAĐEVINSKE LINIJE U KOJIMA JE MOGUĆE GRADITI
- UREĐENE POVRŠINE U GRANICI PARCELE (PJEŠAČKE I INTERVENTNE KOMUNIKACIJE, ZELENILO)
- KOLSKI SAOBRAĆAJ
- PJEŠAČKI SAOBRAĆAJ
- 3. 3.302 m² BROJ I POVRŠINA PARCELE
- ZELENI OTOK TIP 3
- 4. OBRAZOVANJE KULTURA, BANJSKO-LJEČILNI TURIZAM, REKREACIJA
BGP = 7.300 m²
Po+VP+3 (max. visina 20m)

ZAVOD ZA PLANIRANJE RAZVOJA KANTONA SARAJEVO

NARUČILAC:	NAČELNIK OPĆINE ILIDŽA		
ELABORAT:	IZMJENE I DOPUNE REGULACIONOG PLANA "BANJSKO REKREATIVNOG KOMPLEKSA ILIDŽA"		
FAZA:	URBANIZAM	RAZMJERA:	DIMENZIA: mm
SADRŽAJ:	URBANISTIČKO-ARHITEKTONSKO RJEŠENJE	DATUM:	BROJ PRILOGA:
		05. 2024.	5.

Na osnovu člana 9. stav (2) Odluke o priznanjima općine Ilidža ("Službene novine Kantona Sarajevo", broj 51/18, 37/19) Općinsko vijeće Ilidža, na 4. redovnoj sjednici održanoj dana 30.01.2025. godine, donijelo je

ODLUKU O DODJELI PRIZNANJA OPĆINE ILIDŽA U 2025. GODINI

I

Ovom Odlukom Općinsko vijeće Ilidža dodjeljuje priznanja Općine Ilidža u 2025. godini u povodu 12. marta – Dana Općine Ilidža.

II

Priznanja Općine Ilidža u 2025. godini dodjeljuju se slijedećim pojedincima i kolektivima i to:

I/POVELJA ZA ŽIVOTNO DJELO

- **Derviš Sušić** (posthumno) – za izuzetan doprinos u književnosti uvijekovječnoj u brojnim književnim djelima

II/ZLATNA PLAKETA (POJEDINAČNA)

- **Amar Gegić** – za postignute vrhunske rezultate u oblasti sporta (košarka)